



USuku lokuBuyisana

Refilwe Ramagoshi

Tebogo Matshana



Lapha eNingizimu Afrika, Usuku lokubuyisana
luyiholide eligujwa mhla ziyi-16 kuZibandlela.

Le ncwadi ixoxa ngalolu suku.

Uzozwa ngomlando walo, nokuthi kungani
lubalulekile.



Umkhulu ubuka umabonakude ngosuku lokubuyisana.

“Mkhulu, konje yini uMkhonto weSizwe? Kuyini ukubuyisana?” kubuza uPuseletso.

“Ubuza imibuzo eminingi ngesikhathi esisodwa. Lalela, ngikufundise.” kusho umkhulu.



"UMkhonto weSizwe, nowaziwa ngeMK kwakuyibutho le-ANC elalilwa nombuso wobandlululo. Ubandlululo kwakuyingcindezelo yabantu abansundu," kuchaza umkhulu.

"Namhlanje abantu bajabulile ngoba wusuku lokuxolelana nokubuyisana," kuchaza umkhulu.



“Uyakhumbula ngesikhathi ningakhulumisani isonto lonke noDikeledi?” kubuza umkhulu.

UPuseletso wavuma ngekhandu.

“Kancane kancane naphinde nabuyisana naba abangani futhi?”

UPuseletso wavuma ngekhandu.

“Lokho kuwukuxolelana nokubuyisana,” kumamatheka umkhulu.



“Usuku lomhla ziyishumi nesithupha kuZibandlela usuku lokuxolelana nokubuyisana,” kuqhubeka umkhulu.

“Lolu suku lunomlando omude. Indaba iqala ngempi eyaliwa kudala, mhla zishumi nesithupha kuZibandlela ngonyaka we-1838.”



"Ngalolo suku oluwumlando, amabutho kaZulu eholwa yiNkosi uDingane abambana phezulu namaBhunu, ama-Voortrekker eduze nomfula iNcome."

"Ngubani owanqoba?" kubuza uPuseletso.



“Kwanqoba amaBhunu.” Kuphendula umkhulu.
Isikhathi eside bekugujwa umkhosi wokunqoba kwabo
mhla ziyishumi nesithupha kuZibandlela. Lolu suku
babelubiza ngokuthi Usuku lwesiFungo.



Ngonyaka we-1962 mhla ziyishumi nesithupha kuZibandlela, i-ANC yasungula iqembu loMkhonto weSizwe.

Kwakuyiqembu lamasosha e-ANC ayezimisele ukulwa nombuso wobandlululo.



“Mkhulu, yini eyaphoqa uMkhonto weSizwe ukuba ulwe emva kweminyaka eminingi kangaka yobandlululo?” kubuza uPuseletso.

“Zaziziningana izizathu zalokho. Okwenzeka ngesikhathi bemasha emashini yokulwisana nokuphathwa kodompasi esinye sezizathu esisemqoka,” kusho umkhulu.

“Yini udompasi?” kubuza uPuseletso.



Umkhulu waphendula, “Udompasi yincwadi kamazisi yakudala. Bonke abantu abansundu bebephoqelekile ukuthi bahambe beyiphethe le ncwadi kamazisi.”

“Ngonyaka we-1960, emashini yokuthula eyayise-Sharpeville eGauteng, okwakhloswe ngayo ukulwa nokuphathwa kodompasi, amaphoyisa ombuso obandlululo ahlasela abamashi. Abulala futhi alimaza abantu abaningi.”



“Izingxabano ezedlule zahlukanisa abantu abansundu nabamhlophe,” kusho umkhulu ephefumulela phezulu.

“Ubungane bakhiwa ngeqiniso kuphela. Kumele kwaziwe okwenzeka phakathi kwabantu abansundu nabamhlophe ngenxa yombuso wobandlulo,” kusho umkhulu.



“Usho ukuthi kulula ukuxolelana emva kokulwa okungaka?” kubuza uPuseletso.

“Cha! Akulula. Kodwa ukwedlulisa konke okwenzeka, ukuxolelana nokubuyisana yikhona okubalulekile kubantu,” kuphendula umkhulu.

“Ukubuyisana akuyona into eyenzeka ngokushesha. Kuthatha isikhathi eside,” kuqhubeka umkhulu.



“Uma umuntu enza iphutha, kumele akhulume iqiniso bese ecela uxolo kulowo amonile. Emva kwalokho bayokwazi ukubuyisana baphinde bazwane,” kuchaza umkhulu.

“Uzwe kahle. Masibuke uhlelo ofuna ukulubuka kumabonakude!” kumamatheka umkhulu.

—Imibuzo

1. Ugujwa nini umkhosi wosuku lokubuyisana? Kungani lolu suku luyiholide lomphakathi?
2. Ngobani ababeyiqembu loMkhonto weSizwe?
3. Kwakungobani ababebizwa ngama-Voortrekkers?
4. Kwakuyini ubandlululo?
5. Chaza ngamazwi akho ukuthi kushoni 'Ukubuyisana.'
6. Abantu bangafinyelela kanjani ekutheni babuyisane?
7. Ingabe ucabanga ukuthi ukubuyisana kubalulekile? Chaza.
8. Cabanga nganoma ubani emndenini wakho noma esikoleni okudingeka ubuyisane naye. Bhala phansi ukuthi uzokwenza kanjani lokhu.

—Izincwadi ezikulolu chungechunge

- USuku lweNkululeko
- USuku lwamaGugu
- USuku lwamaLungelo Abantu
- USuku lokuBuyisana
- USuku lwaBesifazane
- USuku lwaBasebenzi
- USuku lweNtsha

Le ncwadi yabhalwa ngolimi lweseTswana
njengenywe yezinsiza zokufunda zeprojekthi
yeZenex Ulwazi Lwethu ngonyaka wezi-2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: USuku lokuBuyisana

Author/s: Refilwe Ramagoshi

Translator/s: Zanele Ndlovu

Illustrator/s: Tebogo Matshana

Assurer/s: Zanele Zuma

Language: isiZulu



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

